



Aviisip Sermitsiap, aviisimut ilanngutassiaanut qulequtalimmut
"Kangerlussuaq pillugu isumaqatigiissut: KAIR aningaasaqarnermut
tunngasunik ernummatiginnittoq" oqaaseqaatit

Piffissap ingerlanerani ilisimaneqaleriartorpoq, Sermitsiap aaqqissuisuunerata mittarfinnut suliniutinut inuttut sualuttumik akerliusoq, aamma tamanna ersarilluinnartumik sammisamik aviisip suliaqartarnerani ersertarsimavoq.

Suli ataasiarluni aviisip aaqqissuisoqarfia, aviisimi qulequttamik ulloq 20. septembari 2019 (aamma nittartakkami ulloq 19. septembari 2019) pisinnaatissimavoq, aviisiliortuunermi innarligassaanginnerup amigaataaneranut inissisimaffimmik nutaamik takutitsissalluni.

Aviisimi ilanngutassiap quleqataani allanneqarsimavoq, "KAIR aningaasaqarnermut tunngasunik ernummatiginnittoq", Naalakkersuisut aamma Illersornissamat ministeriaqarfiup, Kangerlussuarmi mittarfiup mittarfissuurtut atatsiinnarneqarnissaa pillugu isumaqatigiissuteqarnerata kingorna.

Aviisip qulequtaa ilumuunngilaq.

Ataani atsiortoq, Kangerlussuaq pillugu isumaqatigiissutsip tamanit ilisimaneqalernerata kinguninngua, Sermitsiami aviisiliortumit saaffigineqarsimavoq. Siusinnerusukkut oqarsimangilanga, Kalaallit Airports International A/S-i "*anigaasaqarnermut tunngasunik ernummatiginnittoq*", kisianni taamaallaat oqarpunga, "*Kangerlussuaq pillugu isumaqatigiissut, Nuummi Ilulissanilu mittarfinnut nutaanut ilaasunut missingersuutit pillugit nalorninermik kinguneqarsinnaasoq, kisianni tamanna isummerfigissallugu siusippallaarujussuartoq, pissutigalugu Kalaallit Airports International A/S-imut sunniutinut apeqqutaalluinnarmat, Nuummi Ilulissanilu mittarfiit naammassippata timmisartortitseqatigiit qanoq annertutigisumik siunissami Kangerlussuarmi mittarfimmik atuisarnissaat*".

Kalaallit Airports International A/S-ip aqutsisui, Kangerlussuaq pillugu isumaqatigiissutip nutaap pissusissamisoortumik kinguneranik, isumaqatigiissutip Nuummi Ilulissanilu mittarfinni nutaani, ilaasunut tunngavigisanut sunniutaasinnaasunut naleqqiullugit akilersinnaassutsimik naatsorsuinerit pisariaqartut ingerlanniarpai.

Kalaallit Nunaannut Kalaallit Nunaanniillu angalasut 60 %-iisa missaat, Nuummut Nuummiillu ingerlaartarnerat eqqarsaatigalugu, aamma Kalaallit Nunaata iluani angalasut agguataarnerat ataatsimut isigalugu tassunga assingummat, maannakkut inerniliunneqarsinnaavoq, ilimanangilluinnartoq, Kangerlussuarmi mittarfik pillugu isumaqatigiissutip, Nuummi mittarfimmut nutaamut arlaannaatigulluunniit annertuumik sunniuteqarnissaa, taassuma aningaasaqarnikkut tunngavilersorluagaanera pissutigalugu. Akerlianik, Kangerlussuaq pillugu isumaqatigiissutip Ilulissani mittarfimmut nutaamut annerulaartumik sunniuteqarsinnaanera mattunneqarsinnaangilaq, timmisartortitseqatigiit timmisartutik takornarianik ilaasullit, taakku Ilulissani mittarfimmut ilaasunut tunngavimmut ilaasut, Kangerlussuarmut timmisartuutissallugit qinissappassuk, tassangaaniillu Ilulissanut ingerlatseqqillugit. Angallannermut aaqqissuussineq taamaattoq ilaasunit piumaneqarnerunaviangilaq, pissutigalugu toqqaannartumik timmisartukkat attaveqarnerit angalasut ornitassaminik qinersineranni pingaartinneqarnerusarmat, aamma takussutissaqangilaq, sunniut taamaattoq suliniutip aningaasaqarnera ataatsimut isigalugu aseruisinnaassasoq.

Aviisip Sermitsiap qulequtaa, taamaalilluniaasiit piviusorsuunngitsumik aviisiliortutut, innuttaasut mittarfinnut suliniutinut tatiginninnerannik akornusersuiniarnermut, misiliinerit ilagiinnarpaat.

20. septembari 2019

Kalaallit Airports International A/S-i sinnerlugu

Johannus Egholm Hansen
Siulersuisut siulittaasuat

